

## Norihan Binti Anah

---

**From:** Unit Komunikasi Korporat  
**Sent:** Friday, December 15, 2017 12:36 PM  
**To:** UUM - All Staff; UUM - All Students  
**Subject:** Pelantikan Pengarah Eksekutif MyEG Jadi Role Model Mahasiswa



**Unit Komunikasi Korporat**  
CORPORATE COMMUNICATION UNIT  
**Universiti Utara Malaysia**



15 DISEMBER 2017 / 26 RABIULAWAL 1439H  
=====

"UUM : UNIVERSITI PENGURUSAN TERKEMUKA"  
(THE EMINENT MANAGEMENT UNIVERSITY)

Oleh: Nordiana Shafiee  
Gambar oleh: Abdul Halim Husain

**PELANTIKAN PENGARAH EKSEKUTIF MyEG JADI ROLE MODEL MAHASISWA**



**UUM ONLINE:** Kuala Lumpur - Pelantikan Pengarah Eksekutif MyEG Service Berhad, Dato' Raja Munir Shah Raja Mustapha sebagai Profesor Adjung diharap dapat menjadi *role model* kepada mahasiswa UUM.

Penyampaian watakah pelantikan tersebut disempurnakan Timbalan Naib Canselor (Akademik dan Antarabangsa), Prof Dr Yusnidah Ibrahim yang mewakili Naib Canselor di Auditorium MyEG Tower, semalam.

Prof Dr Yusnidah yang membacakan teks ucapan Naib Canselor berkata, dengan pelantikan itu, kepakaran Dato' Raja Munir Shah dapat membantu menilai dan mengemas kini kurikulum di Pusat Pengajian Pengkomputeran (SoC) khasnya, supaya selari dengan kehendak industri pada masa kini dan membantu meningkatkan kebolehpasaran graduan UUM.

Menurutnya, pelantikan itu juga merupakan satu pengiktirafan UUM kepada beliau di atas kecemerlangan dalam bidang korporat terutamanya dalam mengemudi konglomerat MyEG sejak tahun 2000 sehingga menjadikan MyEG satu jenama yang bukan sahaja terkemuka di Malaysia malah di rantau ini.

“Saya berharap beliau menjadi *role model* dan memainkan peranan aktif dalam mendidik kalangan siswazah UUM dalam bidang pengurusan khususnya keusahawanan IT melalui siri syarahan kepada mahasiswa serta selaku perunding bagi aktiviti kurikulum dan ko-kurikulum di universiti ini.

“Selain itu, saya mengharapkan agar MyEG dan SoC dapat bersama-sama meneroka kerjasama menang-menang yang boleh dilakukan bersama terutamanya dalam era Revolusi Industri Keempat (IR4.0),” katanya.

Sementara itu, Dato' Raja Munir Shah berkata, beliau dan MyEG sudah terlibat dengan UUM sejak empat tahun lalu sehingga kepada pelantikan hari ini (semalam).

Katanya, beliau menerima pelantikan itu bukan untuk glamor, sebaliknya akan berusaha bersama UUM dalam menghadapi IR4.0 yang melanda dunia sekarang.

“Saya juga berharap akan dapat menyediakan *networking* untuk pelajar agar mereka dapat menyesuaikan diri dengan kehendak dan keperluan industri.

“Sehubungan itu, kita memerlukan banyak sesi *engagement* antara industri dan universiti supaya pelajar dapat lebih berkeyakinan untuk sertai industri,” katanya.

Beliau dilantik sebagai Profesor Adjung SoC bagi tempoh dua tahun mulai 1 November 2017 hingga 31 Oktober 2019.

**DARIPADA:**

**UNIT KOMUNIKASI KORPORAT  
UNIVERSITI UTARA MALAYSIA**

04-928 3048/3049/3052/3061

04-928 3053

ukkuum@uum.edu.my

Universiti Utara Malaysia (Official FB)

ANJUNG  
TamuUUM



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.